

Edizione diplomatica

Bernard del uentadorn

POs pregaz mi seignor. Qeu chan eu
chanterai. Ecant cuit chanter plor.
A lora coe(s)[1]sai. Greu uerez cantador. Be(n)
chan simal liuai. Uai mi doncs mal damor.
Anz meillz que no fez mai. Edonc p(er) que
mesmai.

Gran ben egran honor. Conos que deus
mi fai. Qeu am la belezor. Et ill mi ben
osai. Mas eu sui çai aillor. Eno sai cu(m) lestaï.
zo mauci de dolor. Car ocaison no(n) ai. de so
uen uenir lai.

Epero tan mi plai. Can de lei mi soue. Qe
quim crida nim brai. Eu no(n) aug nulla
re. Tan dolzamen mi trai. la bela cor del se.
Qeu tals diz queu sui çai. Et o cuida e cre
que de ses oillz non ue.

Amors eque(m) farai. Si grerai ia ab te. Ara(n)
chan qeu morai. Del desirer quim ue. Sil
bela la on iai. Nomasis ran dese. Qeu la
manei ebai. Et estre(n)gna uer me. Son cors
blanc grans ele.

Ges damar no(m) recre. p(er) mal ni p(er) afan. Ecan de
us mi fai be. Nol refug nil soan. Ecan bes
nonaue. Sai ben sofrir lo dan. Calas oras
coue. Con san entre loi(n)gnan p(er) meillz saillir

[1] Aggiunto in interlinea.

	enan. Bona do(m)na merce. Del uostre fin aman. mas iongtas ab col cle. Uos mautrei em coman. Queu pliu p(er) bona fe. Canc re no(n) a mei tan. Esi lor ses deue. Uos faz bel sembra(n) Que mout nai bon talan. Lai amon escudeir. Don deus cor etalan. Cam dui naune(m) truan. Eqell en men ab se. ço don ai plus talan. Et eu mon aziman.
--	--

- letto 520 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-2275>